

四庫禁燬書叢刊編纂委員會

北京出版社

四庫禁燬書叢刊

集部第一五七冊目次

國朝詩的六十卷(二)

〔清〕陶煊 張瓌輯
清康熙六十一年刻本

.....
一

國朝詩的六十卷(二)

〔清〕陶煊 張璨輯

清康熙六十一年刻本

中國社會科學院文學研

究所圖書館藏

國朝詩的目錄江南

卷之十一

董元治 八首 周彝 二首 周鼎 三首

顧圖河 五首 姚羨湖 八首 王式丹 八首

程式莊 八首 吳壽潛 八首 姚潛 八首

王焯 二首 汪淳修 一首 錢名世 四首

張湖 三首 顧嗣立 七首 葉籥 三首

李圻 二首 陳士濬 一首 陸枚 一首

陳士淳 一首 吳塵 四首 瞿駿 一首

袁啟旭 二首 蔣景祁 二首 劉廷獻 三首

翟賜履 一首 唐祖命 七首 顧彩 一首

姜任修 一首 李疇瑞 一首 潘鍾麟 二首

倪岱 三首 邵長蘅 十四首 程麟德 五首

徐承宣 十二首 湯自奇 四首 莊令輿 四首

程庭 二十首 吳暲 二首 張廷瓚 四首

張函 一首 楊瀛 六首 董子堤 二首

方琢 一首 楊玉山 一首 崇三台 一首

方鳴夏 四首 孫中岳 三首 呂清 五首

張楫 五首 俞燾 四首 章應奇 二首

章應新 一首

國朝詩的卷之十一

長沙陶 煊奉長選

阿里張 璨豈石同輯

江南

黃元治 酒齋歙縣人

紫石峰 在天都峰下與硃砂峰對峙紫石之麓即湯池

天都垂右臂委折如蛇腹迤南忽昂首紫石峰轟轟朱

砂駐其顛湯池濯其足高下一千仞以骨不以肉縫罅

幾百層層層惟松綠紫岩既峭直綠陰乃橫覆間色如

錦綺霞暎逾奪目樹巔嘯白猿廣際卧蒼鹿物性得所

國朝詩的卷之十一 江南

棲願真年不促矧人負靈姿胡乃耗於愆慨然思浮丘

暮雲返空谷

出門

半生黃海夢今束短衣裳草帽防深霧籃輿趁早涼露

添禾穗重風散豆花香踏過溪橋月林端見曙光

由天門登文殊院

小心阪上去一步一從容轉脚過危磴回頭失好峰岩

懸梯以石澗斷渡于松一線青天影蒼雲護卧龍一線天上

有卧龍松

石鶴

摩天戲海已忘機遂向山中脫羽衣空處月明時一嘯
崖前風起倦高飛蓋來松樹身全隱啄得蟠桃腹不饑
親見軒皇丹九轉乘龍去後幾曾歸

文殊院雜興十首 選一

禪衲同遊意獨閒十年前本住茲山半空洞放孤雲出
絕頂松延老鶴還石壁已階千萬級草樓須補兩三間
攜筇引我曾經處白鹿蒼猿識舊顏 請玉屏上人

東頭嶺

岩崑嶺上日初紅未到黃山目已空回望川原周百里

千村一抹白烟中

國朝詩的 卷之十一 江南

觀音巖

虛岩如月半輪彎曾否蓮臺現此間萬樹松風千澗雨

依稀潮過普陀山

文殊院雜紀所見

雨捲蓮花蓋下松白雲歷歷聳千重分明移得我眉雪

補作雲門缺處峰

周 彝 策銘松江人

大韓昌黎春雪間早梅韻

梅與雪皆春相爭詎有因寒惟兩物共艷逐一時新
灑都含態風姿競出塵玲瓏珠是樹蘊藉玉為人舞處

回腰倦開時照眼頻乍看似幻細認互成真影瘦羅
浮夢身輕洛水神凝粧不用妬墮地暗相親隔歲纔為
伴揚輝及此辰山中長掩映淡漠自相珍

次早春雪中聞鶯韻

此地歲華新春禽不報春一為騎馬客幾隔聽鶯人憶
得雪中過傳來林外頻梳似驚屑粉學嚙怯芳辰玉樹
纔聞唱雪衣未可親織梭深柳待師汝善藏身

周 鼎 軒三松江人

訪王符躬借建康新志

此地數經過紅舫汎綠波借書癡未減瓊屐典偏多小
國朝詩的 卷之十一 江南

諸暨道中

匝匝復輿向曉馱山顛水末轉遂迤瑋淙石峽鳴泉急
濃淡峰巒疊翠多路熟西鄰暹撲棗秋先南陌已登禾
今宵擬就耶溪宿香炮花空奈若何

過嶽麓七截 選一

楚山無伴獨尋幽一杖穿雲到上頭千里嶽嵐晴色接

一江如帶抱城流

顧圖河 書宣江都人

徐子松之過訪賦詩見贈次答

尺水無大魚，陋巷無高車。高車雖云退，陋巷復何須。青苔日以厚，烏雀譁前除。客從遠方來，是我昔相於。謂我何幽獨，愛我友群書。君振衣上塵，我刈園中蔬。

題王漢藻為宋漫堂寫枯木寒鴉圖

北風着面刮起霜，老樹屈鐵凍不僵。榭榭檉檉楓柘樟，葉脫不辨煙蒼茫。壽藤千歲絡樹長，蛟螭糾結爪尾強。凍泉咽咽穿礪岡，錚然觸石琴筑張。林空無人惟夕陽，羣鳥爭託林為鄉。排風羽翮上下翔，烏翮愈勁風愈狂。有如萬馬脫轡韁，沙場崩潰勢莫當。又如軍興將者良，縱橫合散隨圓方。噉嘈啁啾音揚于聲，百和誰能詳。

蘭朝詩的卷之十一 江南

四

我居僻在城東莊，莊前種竹後樹桑。朝隨鳥起鋤穢荒，暮隨鳥棲休樹旁。春看烏哺沉，蠶房秋看烏禿梁。圃場老烏與我歲歲忙，烏頭已白我髮蒼。誰為此圖做河陽，禿筆參用倪吳黃。澗邊樹底添茆堂，吾當攫取歸珍藏。

狼石歌

石在北固山脚如羊形相傳吳大帝引孔明共坐論破曹事

老苔繡濕皴皮紫，凍雨流膠生石耳。黃蒿綠葦沒齊腰，烏羊頭角蹲蹲埃。江東獅子梟雄兒，碧玉雙瞳照江水。當年曾此坐籌兵，指揮警欬依稀是。八十萬眾貌如蟻，問胡不恐良有以。伏龍耳語定大計，髮上衝冠刀斫几。燒尸赤壁三江渾，字石曰狼誰云侈。猛氣剛腸一旦銷。

昔諱迎曹今不恥，那知南下冊降王。北面低頭同狗豕，孫劉交結輔依車。吳蜀爭衡辱滅齒，荊州為餌誘饒涎。坐令英雄魂魄死，帳前徐盛涕橫流。地下凋郎呼不起，狼石之名當已矣。

病起

江村逢亥日，小市足魚蝦。濁酒多時廢，香粳不用賒。花明蜂識路，竹密鳥成家。即此能蠲疾，吾生况有涯。

郭景純墓

松栢為薪骨化塵，十年新塚已無聞。耕犁不到神仙窟，賈豎猶知太守墳。水怪朝憑腥宿霧，江妃夜出駐行雲。

蘭朝詩的卷之十一 江南

五

墓書自合留千古，第一佳城早屬君。

姚羨湖翁桐城人

山居

牆東誰復問君公，蓑笠頻年事事同。鬪鴨亂溪翻紫翹，將雛沿壁啄青蟲。避炎不用迎涼草，禦濕寧須山菊蘂。莫向隔林尋社酒，家翁活計任癡聾。

臨風淡谷覺于于，古話荒唐各據梧。侵曉賣薪朝市米，黃昏燒竹夜邨醅。客貽黃菊分三徑，工選青錢索五銖。保正縣回談近事，休將吏道問菰蒲。

山厨井竈尚汗萊，遠餽城中日往迴。賒酒剪蔬延客宿。

茹齋留菓待僧來，弱桑屢患溪全漲。魁芋思分夜半煨，青綠大癡圖不盡。何勞烟雨潑灰堆。

種樹傭多買樹錢，栽花恰遇養花天。病看素問寧須藥，靜誦楞嚴不為禪。斷手匠能完架屋，褊心人或諒虛舡。

無端諸老增聲價，也向窮巖問石田。

野人心久習桑麻，丹碧圖中領物華。草節似鞭蒲澗藥，稻香如釀糯田花。鋤携雲頂燒生土，堰作溪心漾遠沙。

爭選釣竿尋弱篠，昨宵新水上魚蝦。

會否歸題蜀國旌，高峰痛哭咽無聲。鷓鴣影斷黃陵廟，杜宇啼殘白帝城。醉魄可知遺骨處，招魂難慰死灰情。

南朝詩的 卷之十一 江南 六

海棠荆樹無顏色，從此西州不忍行。傷王戴二子也

題畫留別陶奉長世兄

才子辭親入帝畿，湘江北望祝人歸。全憑司馬梁園客，得穩青林白板扉。

長安車馬日紛紛，許多詩欲贈陶君。臨歧隻字渾忘却，空濕西山一片雲。

王式丹 樓村實應人

晚渡京口雜興十四首 選三

棹郎歌裏過江來，破浪聊應懷抱開。經眼樹圍招隱寺，回頭日挂紗高臺。山排北向當城出，潮捲東流到海迴。

晚泊忽驚雲萬疊，龍吟隱隱動風雷。古來形勝控江關，洵盡英雄浪影間。蜀相輪巾留片石，韓王金鼓咽空山。西歸坐見三分鼎，南渡空悲二勝環。剩得橫江翠翎雀，朝朝飛去暮飛還。鐵甕東西野望遙，林容山貌晚蕭蕭。子瞻留帶尚有寺，仲晦題詩何處橋。一握天中雲挂角，九扛夜半斗移杓。古人不作誰同語，翹首高空祗獨謠。

贈吳漪堂同年三首 選一

此生嘯傲付東軒，怪霧盲風不可論。仗劍幾能逢劇孟，繡絲端合為平原。青山有路雲千疊，碧漢無塵月一痕。

南朝詩的 卷之十一 江南 二

烏雀南飛此何夕，沉吟談讌正相存。用魏武詩語

偶得佳硯卽事試筆得十三首 選三

覓得黃湘自捧持，鸚鵡晴風味莫爭。奇平生暉就文房友，稀髮集有憶文房四友詩今日供吟客舫詩。一取清波新洗後，荆公

正看佳穎試書時。反騷豈比雲亭句，聊遣閒心對墨池。

何來風雨下秋空，咫尺江皋路未通。世事乍經無量劫，男兒合是可憐蟲。卽看節候逢青女，久已榮枯付碧翁。

讀破南華參一語，雲將準擬覓鴻濛。

容裏光陰未有涯，朝昏百怪正紛拏。謔言謾道雞三足，幻影驚逢鬼一車。梅福豈能同市卒，梁鴻只合賃人家。

集 157-5

俱用吳 俱遭反覆關何事信是天遺莫嘆嗟後漢王丹 謂陳遵曰
門事 俱遭反覆我兩
人為天所遺

自題江上集二首次齊嵩壻韻並命與孫同作一選
江上頻年往復還隨時風景最相關大都弔古懷人句
多在山城水國間經眼風濤惟一笑關心吟嘯自耽閒
新詩最是京江渡北固南徐早共攀

程式莊高亭江都人

舊縣道中榆柳彌望臨水一亭青帘白版頗似故
鄉風景為買醉題壁而去

霜曉九月寒疎林綠未脫美此山中居聊為樹下秣茅

朝詩句 卷之一 江浦

本

亭枕崇岡屏障借松栝中虛置几榻暫憩得軒豁新篔
滿店香一斗庶解渴醉卧秋樹根涼風吹短褐道旁征
馬鳴屋外流泉活頓忘行旅勞轉覺川原闊江鄉憶酒
旗入眼烟景潑吾生老舟車此趣竟誰奪無田問桑麻
有命任窮達悄然感孤鴻歸意逐天末

過淮用東坡韻

挂帆漂母祠喜見船頭碧賓鴻將早霜初染楓林赤買
魚汜光湖沽酒孟城驛茆齋渺何許百里隄烟隔蟋蟀
鳴深叢龍蛇蟠大澤歸卧淮南村一飽隨所適欲師蒙
叟全不待向平畢此地昔薦饑波濤事蕩佚禹功八年

勤安瀾砥磐石前行望莫灣一權凌風疾

泊淮口

波浪憑天險疏排緬禹功樵風喧曉市漁火暗秋蓬臘
蟻還堪汎淮安酒名臘黃輕鳴乍許同明朝釣臺畔低首意何窮

泛舟

屏跡違人事應憐歲晚情扁舟聊載酒揮手欲逃名初
日澹秋燒微風吹曉晴滄波何處濶吾擬濯塵纓

王樓村脩撰招集鴻柯草堂用東歌二韻 選一

烟香老鶴態婆娑物外尤欣放浪歌握手朱霞驚兩頰

朝詩句 卷之一 江浦

九

捲簾織月送新蛾詩壇正果標龍象酒陣分曹列鶴鷄
舊雨幾年鴛水隔謂在座沈寅中嘉興人故衣塵土愧如何

蕪州四首 選三

高士長歌託五噫春閒避跡亦堪悲落花寒食真娘墓
斜日青山短簿祠駭虎聲中驚玉碎炙魚盤裏隱鋒危

可憐恩怨分明在一唱蘆中解六師

清香刺史足清狂書載蕭疎冷印林喚渡尚傳秋女蹟
折花都學泰娘粧臺遊麋鹿頻經廢水浴胭脂幾換香
多事虎丘狂道士漫勞石畔話興亡

疎影銅砀映玉葩樵蘇指點入烟霞水葦岸冷鳧翁下

墙杏風輕燕子斜畫閣輸贏爭鬪草綺筵歡笑學催花
珊瑚笑殺當年網只網西施向若耶

吳壽潛 形本豐南人

過平望和石葉大兄

水漲新堤沒橋低欲壓船雨餘山剩霧天遠樹生烟驛
路平蕪外旗亭疎柳邊最憐耕織苦澤國更凄然

早發宜章縣夜宿良田遇雨和宋長白

馳驅何所定客思未能開曉霧連荒嶺秋烟生亂山澗
花多帶紫路草盡成斑兩黑趨村店黃昏早閉關

過黃陵廟和宋長白

國朝詩集 卷之十一 江浦

汨羅江畔繫扁舟為訪黃陵片刻留寶瑟聲沉寒月夜
靈幢影散落霞秋蒼梧望斷空餘恨班竹啼殘總化愁
試聽波翻湘水上神來疑是返珠丘

至雒舉喜晤官樂民先輩

老成此日慨晨星喜見先生舊典型雙鬢早于前代白
兩眸端為故人青大家王謝何堪問往事荀陳不忍聽
三世凌情忻未墜相看莫慢嘆飄零

放言寸首和汪古民 題三

異鄉聊寄若井州書債年來也暫休常恨好花無百日
每思良友感三秋久拋世事輕如紙怪底人心曲似鉤

贏得醉歌成放誕不教愁緒上眉頭

自製蠻牋勝薛濤百篇揮灑說詩豪未能繼志稱良史
不用求名著反騷千里豈甘追騏尾百年徒惜擲鴻毛
須知垂釣磻溪叟後載從來有幾遭

夢醒邯鄲早白頭勞勞生計笑無由長留詩卷奚囊貯
剩有殘書破篋收處處漁樵堪共隱年年風月可相酬
如今老去諸緣淡身作江湖不繫舟

哭盧菽蒲先生

問訊頻年總未真鍾山長憶約為隣憐才以外無他友
知己之中惟此人弱息獨依仍異姓諸兒四散只孤身

國朝詩集 卷之十一 江浦

故鄉無塚生春草徒望臨汾淚滿巾

姚 潛 後陶歙縣人

贈吳野人次來韻

舊讀陋軒集風騷賴爾存兵戈星短髮塵海閉閑門白
雨城東寺青楓江上村邗濤秋正好為別各消魂

張菊人余澹心吳圃次集飲虎丘山寺分得青字

水光明草榻埜色敞幽亭露濕千林白燈懸一徑青狂
吟秋未晚漁唱醉還醒愛此禪關寂紛紛葉滿堦

寄懷陶五嶽先生

瞻望瀟湘水彌深訪戴情盛名三代重高隱五侯輕嘯

咏凌秋好琴樽看月生芙蓉江畔碧霜雁正空鳴

楚澤推首舊論交父執行江山餘碩果風格見清狂蘭

蕙人空老龍蛇道已荒天涯有羈旅無計穩柴桑

鈍子招集桐初燕丘薪禪幸臣小飲可亭即席分

韻

江干纔歇三春雨客路欣逢兩日晴交合清狂惟縱酒

人憎濁世早逃名庭花有意當杯放沙鳥無機隔水鳴

醉後莫談燕市事悲歌今已失荆卿時薪禪至自都門故未句及之

真州九日和赤霞韻

昨朝涉水當登高遙聽山頭叫伯勞林下有人俱白髮

國朝詩的 卷之十一 江浦

主

時晴先曹謹使 姪同高離邊無菊點青醪分來官饌供吟咏節酒 攔

入僧厨惜蠚螫南望雨花臺上客啣杯相憶首同搔秋懷

屏諸子

泛舟江口同朱赤霞

擊汰江千秋已殘白蘋紅蓼水雲寬舟橫荻岸山光迥

霜冷楓林木葉乾遊戲餘生惟縱酒炎涼人事笑彈冠

荒烟蔓草多遺趾留與今人仔細看

戊辰初秋送陶奉長歸楚

日醉園場興未闌秋風催客出長安重來翻喜先余去

老至還愁見汝難四望都成滄海夢一身久作古今看

鳳城高處休回首話到朱門淚早彈

王焯卓然歎縣人

送友人遊衡陽

野原荒落日烟樹冷溪濱此地一樽酒明朝萬里身性

疎甘遜世饑至復依人汗漫風塵裏羞看白髮新

登石岫山

山勢插層空風喧十里松水聲穿石出花氣拂衣濃佛

古苔侵座僧貧寺缺鍾登臨殊未厭更陟最高峯

汪淳修質存歛縣人

周震夫舟往陵陽于泚上匆匆解纜賦此誌別

國朝詩的 卷之十一 江浦

主

纔得停舟便放舟相思未解又離愁實勞秋浦三年夢

未遂平原十日留止澤芙蓉朝滴露陵陽風雨暮登樓

飄淪此日看君去舉世誰人識應侯

錢名世亮功武進人

春齋山行

孟春值陰雨經旬閉柴荆晨興理短策試向前山行始

霽羣卉拆稍暄百鳥鳴攀躋紆石磴迢遞延葱菁谷幽

嵐正合路轉湖偏明松風有時歇悠然聞水聲即此愜

吾慮綿邈生遙情

溪店

溪店灘風惡松門夜雨寒有雲緣仄磴無路入層巒石
壁龜文細竹籬鹿眼寬明朝應記取桐帽挂驢鞍

題延陵李子廟碑後

江阜遺廟鬱嵯峨詞客吟詩枉道過故國臺荒惟見鹿
殘碑字古盡成蚶當年華夜垂青簡此地佳城掩綠莎
捫石細看重展拜夕陽西畔冷風多

迷位曾傳泰伯風那言高義子臧同江山未改仍公子
人物無憑只上中地僻似村烟月白廟閒如社野花紅
傷心窟室鉞交後斷送亡王泣甬東

張 潮 山來心齋歛縣人

國朝詩集卷之十一 江南

移尊杜茶村寺寓小飲同文茂齊僧還樸

好客幾成癖論文漫掩扉風和徵酒力僧醉露禪機快
語幽懷暢狂吟逸興飛空慚真率飲問字趨斜暉

合肥李容齋相國廬墓北郊有白燕之祥同人賦

詩紀事效顰寄政

雙影差池丙舍留為誰幽獨共山丘泥脚枕塊驚翻雪
尾掠波紋訝聚鷗反哺未容烏作伴覽輝應許鳳為儔
投懷好憶當年夢燕國鴻文兆黑頭

采蓮曲

閒雲冉冉罩橫塘水面風來分外香莫訝蓮衣容易落

輸他箇箇是專房

顧嗣立 俠君長洲人

串月歌

治平山寺何岩崑湖光吐納山動搖烟中明威寶帶橋
金波萬疊風騷騷年年八月十八夜飛簾驅雲落村舍
金盤出水耀光芒琉璃迸破銀瓶瀉散作明珠千萬顆
老兎寒蟾景相嚇魚婢婢奴爭獻奇手舉桂旂吹參差
水花雲葉橋心布移來海市秋風時吳儂好事邀新客
舳艫銜尾排南陌紅豆新詞出絳唇粉胸繡臆迴歌席
綠蛾淋漓掩樓倒醒來月在松杉杪

國朝詩集卷之十一 江南

渡江

雙槳衝波去船頭映夕曛客途隨日遠鄉夢與江分鐘
響烟中寺帆移樹裏雲餘霞浮水上噪影鳥紛紛

紅花埠店壁次湯翰林西厓韻

驅車行古道南北望中收山色開齊地河光沒楚州斷
雲橫野徑小雨入溪流柿葉聲蕭瑟高吟待好秋

新泰道中

野店孤村難記名朝朝摩詰畫中行日高馬蹏峯樹影
市近風喧雞犬聲瘦婦騎驢投午集禿翁驅犢趁春耕
田家况味真閒適愧我勞勞事北征

送周卜歸大名二首 選一

暮盡西山對翠屏此中消夏幾曾醒
翻翻昔類先秋葉落落今同欲曙星
歸路烟嵐千草碧懷人風雨一燈青
他時若愛吳鄉好買個扁舟訪洞庭

九日同吳韻山中允陳芝泉鍾庭二編脩陳滄洲

太守吳荆山錢天棧二庶常張日容孝廉汪陞交

徵士西爽樓登高卽事二首

金銀宮闕帶烟迷身迴樓高入望低
雲氣不分山向背市聲遙蒼屋東西
登臨有客披榛莽搖蕩無舟泛柳堤

誰似石湖風雨後榜仰山浸碧頗黎

國朝詩的 卷之十一 江南

觚稜得免催雞唱捺鉢無因問馬提
獨賸閒情傾白酒却將瘦句寫黃花
烟拖野色隨歸雁風捲秋聲落亂鴉

最是餘霞晚景好青峯紅抹一條斜

葉 潘 桐 初 南 屏 太 倉 人

客燕喜晤王漢藻話舊兼索寫學醉草堂圖

憶昔晤君時正在鍾山麓聽臨萬壑靜
杯從千頃綠夜坐延素心晨起候初旭
此境非尋常得君寫長幅能補石上松
更綴林間屋漫論古與今中有樵與牧
於茲見

鬱葱意實邁流俗勝地難久留空霄慨
遐矚一別二十載雲山遠相屬時光儘
去來世事積涼燠惟君藝獨進

真不負巖谷忽逢燕市中各健願已足
舊夢不盡言新晴聊縱目吾鄉有草堂
四野多雁鷺自題日學醉書劍非所欲
感君知此懷應一繪喬木吳山越水間
處處醴醪從茲挂布帆攜此太湖曲

重陽前二日同貞樓茶村兩先生坐快哉亭

竟不須欄檻秋光戀此亭時當重九近
山有十分青斷雁乘風去孤雲向客停
忽聞笳吹起落葉滿郊垆

望湖亭次韻

吳城登眺好處處有芳洲亭榭雲中出
烟波天際流幾番增客夢七載滯扁舟
却喜觀佳句高吟到遠遊

國朝詩的 卷之十一 江南

李 圻 南 郊 上 元 人

登白牛閣

一到白牛閣超然遠世氛竹聲蕭寺雨
山翠石牀雲淪茗來僧伴臨風過雁羣
微茫烟樹外清磬度斜曛

賦得五月江深草閣寒

數椽江畔拂烟虹岸柳圍葵倒碧空
新漲復添連夜雨野涼先引一樓風
忽看高浪來天上何異閒鷗住鏡中

更喜披襟當仲夏秋聲彷彿到簾櫳

陳士濬 鹿柴天長人

花魂

花魂

花魂

樂遊園內錦爲坊，裊裊長幡出女墻。
玉蕊遙驚庭外影，芳心潛送夢中香。
依稀帶月憑金井，彷彿臨風立畫廊。
寄語石家休罵座，新裁烟素配紅粧。

陸 枚 實君長洲人

將之湘右留別都門同學

偶隨衡雁往，却望北雲停。
我有天涯淚，翻從知己零。
楚歌聽一曲，湘草爲誰青。
遙夜臨風處，長吟下洞庭。

陳士淳 北垞天長人

遊絲

牽惹春情繞繡簾，日高庭院影纖纖。
乍隨香篆飄虛幌，偶繫飛花挂曉簷。
曲似連還似斷，廊深疑現復疑潛。
幾迴搖曳東風裏，吹散如何絮轉添。

國朝詩的 卷之十一 江南

九

吳 馨 仁 趾新安人

送定上人還廬山

見說安禪處，黃厓高插天。
飛泉三百丈，挂在草堂前。
子亦懷名岳，巖棲期暮年。
相將尋五老，一月一峰眠。

聞葉南屏移家吳門却寄

聞選吳中勝，將家就洞庭。
烟波三萬頃，七十二峰青。
白積閒居賦，羣占處士星。
卜隣情正切，春漲欲揚舲。

過汪純翁昔山閣

春山曲折問潛夫，地勝桃源谷似愚。
留客偶然烹縮項，報門久不用長須。
一編周易攤窗下，千尺堯峰對座隅。
便與耽幽成夜宿，新篔自漉酒盈壺。

晚泊即事

小婦稚頭襖，輕橈鴨背船。
相逢似相識，同泊綠楊邊。

送周侶樵之徐州

數載京華客，飄然不染塵。
詩篇窮益富，交意淡彌真。
驛路消殘臘，梅花識故人。
渡河歸計便，一水是通津。

袁啟旭 士且宣城人

國朝詩的 卷之十一 江南

九

憂憂詞

四顧莽荆棘，豺豕橫無端。
昏昏塵網中，側足鮮所安。
十年澤毛羽，寧憚霧雨寒。
仰觀列宿變，俯眺波濤寬。
奮然欲中飛，恐貽輕舉患。
息影還江漢，抗首親雲巒。
何當淨八極，一往扶搖搏。

兩宿甘豹倫寓齋同蕭夢旭作

客路逢君破寂寥，清樽明燭話深宵。
簾前鏡動三更雨，門外江鳴萬里潮。
詩思淒清浮竹葉，鄉心展轉滴芭蕉。
東隣蕭史多情甚，爲我銜泥弄碧簫。

蔣景祁 京少宜興人

周孝侯祠

平西墓下古祠堂一片寒楓對夕陽
蛟虎有時終殄滅機雲未老盡摧藏
劍鳴夜月霜初白馬獵秋原草正黃
舊日右軍碑尚在可堪蕪沒倚橫塘

過釣臺

梗槩從來號絕倫
羨魚何事欲臨流
雲臺功業甘相讓
釣叟聲名豈願留
萬嶺陰森迷鳥道
半江烟雨卧羊裘
高風此日應還在
七里灘頭一繫舟

劉廷獻 繼莊長洲人

戊辰秋初送陶奉長還楚是時余亦將東歸

爾朝詩的 卷之十一 江南

三

吾黨悲秋客天涯各一方
途窮翻送遠世亂愈心傷
握手情何極連床話益長
三湘百戰地萬里一空囊
歡會尚無幾別離今奈何
送君衰柳岸洒淚白雲阿
顧轉無侶人誰肯更過
新詩吾所愛歸路好吟哦

義帝塚和茹紫庭韻

斷碣雲封古殿空
建瓴柳水勢猶雄
西秦無塚埋嬴帝
東海何人葬魯公
逐鹿君臣長夜裡
亡羊臧毅一坏中
漢家陵寢今陳迹
扶義猶傳指授功

翟賜履 非熊涇縣人

次韻留別周震夫

竟作滇南遊同聲賦別愁懇慟遲欸段惆悵把純鈞
踏亦尋司馬拜惟在武侯到應多賞激恨隔楚雲悠

唐祖命 蘇真宜興人

望洞庭

大塊莽難分孤城半吐吞
山根浮斷岸水勢撲濤門
暮靄帆千點烟霏月一痕
憑欄無限意把酒酌乾坤

陶奉長招同宋正懷太史蔣玉淵廖大隱陳世掌

諸公集飲止園卽席分賦

一龕初闢構三徑足徜徉
酒愛陶家醞騷分楚客狂
是日吳楚各半山青低逼
隔竹翠密依牆嵒阮吾曹在山河

爾朝詩的 卷之十一 江南

三

未渺茫

圓通寺登螺山月石亭有感

蒼崖千尺俯禪關
欲上孤亭手自攀
樹擁殘村斜照日
烟浮瘴海遠連山
荒原寂寂銅駝冷
野草青青戰馬閒
今古滄桑成底事
一杯濁酒醉愁顏

搔首青天黯自傷
浮生世事兩茫茫
乾坤有地難埋恨

江海何人許傲狂
幾處笙歌深院月
萬家砧杵古城霜
賔鴻不到征衫敝
且莫秋風入異鄉

山陰舟次

粉白牆頭出酒招
菱塘十里到河橋
官河曲處還疑斷

桑葉陰中水一條

安寧道中

山色蒼蒼海色青兩行烟柳夾橋平邊方亦有春如錦
愁煞江南陌上鶯

孤城出沒水雲間板屋高低穴焚蠻馬上紅裙山上客

玉鞭垂過碧雞關

顧彩天石無錫人

冬日金陵雜感

獨上層樓望雁羣朔風短景易斜曛雨花臺畔無秋色

木末亭邊有暮雲十二曲欄新廟貌三千銀甲舊將軍

南朝詩句卷之十一 江南

可憐萬事東流水鐵笛聲高不忍聞

姜任脩自芸如阜人原名暉

都門送周侶樵之彭城

雲夢城邊路行人指戰場稻梁愁雁驚風雪滿衣裳此

地誰常主前途是故鄉一丘吾本足拋却讀書堂

李疇瑞蒼岑盱眙人

送達禮中奉太夫人往武昌

霜清水落下燕關酒盡高亭夕照閒路指沅湘新漲水

人尋屈宋舊游山玉綸倚重傳雙闕銅柱威名懾日蠻

文度到時登滕上應欣憂國未蒼顏

潘鍾麟眉峰松江人

雪後望細林山

昨夜嚴風急寒山盡失容仙臺明月靜丹井碧雲封怪
石開銀鳥蒼松化玉龍不知金闕迥遙聽一聲鐘

廣陵趙念昔招諸同人攜四女郎移酌受茲鳳樓

堂卽席賦贈

廣陵才子好新聲白璧爭傳趙氏名十載難歸鄉夢遠
千金散盡客裝輕花枝人面任來意劍氣鬚眉醉後情
道路王孫誰更識開樽有淚媿逢迎

倪岱山宗廬州人

南朝詩句卷之十一 江南

無題詩十首選三

離恨真知別有天遊絲遠去逐飛烟花貪蝶媚偏容昨

柳暎鶯聲久怕眠獨檢香奩羞翠羽雙垂玉筍濕紅綿

難消茗秀春三月魚輪封愁似舊年

鶯鶯燕燕各紛飛刀尺還裁欲嫁衣紅杏有苞霞外放

青梅如豆雨中肥夢酣金犢迎門喜愁絕銅烏掃地威

縱使徐娘風韻在三星那復照雙扉

不念春光等逝川生憐閨閣愛芳妍花描並帶愁孤另

鳥綉雙飛恐葉捐暗祝柔情桃瓣卜亂牽幽緒藕絲緣

王蟲怪底多吹焰夜永雞籌勝小年

邵長蘅子湘武進人

雨後遊滄浪亭懷古作

清曉臨高亭高俯木杪霽景澄川原林霏散烟鳥隔
城三四峰空翠濃可掃僧扉扣始開花木紛窳篠浦荷
涼歛馥石逕濕露草臺榭幾廢興蕪梅骨已棄千載亦
虛名彭殤孰壽夭迴策度溪橋漁唱前溪育

黃山松石歌奉和漫堂先生松為金將軍贈

我吟李白黃山詩四千仞削金芙蓉傳聞軒轅煉丹處
青鸞朱砂拱天都山中靈異孰究悉松奇石怪可駭呼
擾龍松撐峰頂裂作其鱗而旁攫拏蒲團倒挂皆松幻名

自朝詩的卷之十一 江南 語

奇古高二尺幹千歲餘滿山龍子以萬數盡吸石髓蟠
根株石骨磊砢作松幹松毛髮影作石鬚輪困磔硯關
詭狀爪鬣定與凡松殊茸城將軍好事者鐫鑿山骨雙
松俱誇娥夜半負而走洗剔貯之玉甕盃狼吟狖嘯闕
不得短後健兒尺一書餉商丘公激珍賞選寘吟窩東
南隅一拳石松一尺耳三十六峰蒼翠移於斯叶公來
巡檐日百市寵以篇什鏘珩琚少見多怪得未有竇從
獻疑紛詫吁或云軒轅當年鑄丹鼎丹成遺此一片雲
碧腴或云猿公擲劍刺石罅化作青蛇抉尾銜蟠須商
丘公自笑哈爾拍容成肩呼浮丘叶兩老秃翁汝知不

松即擾龍峰天都漆園小生齋物何足道獨不見芥孔
納得須彌無

我眉石

我眉翠壓岷巫巔兩峰屏顏青巉天玉床金鼎含紫烟
躡空遊戲佛與仙神燈瑞像縹緲間丹砂真汞閱千年
君不見一寸石亦吐光怪扶桑朝曦射晶彩頗黎水淨
搖蔚藍珊瑚枝瑩映珠琲五色眩閃難強名璣璜琮琥
瓊瑤瑛

送心壁道人還開先寺二首選一

偶逐閒雲出還隨海燕歸落梅香洗盃渡水綵漸衣天

自朝詩的卷之十一 江南 靈

際九華見春江一樞飛還山花事過藥院長蒿微

冬日寓齋雜興戲學放翁體十首末章專呈漫堂
先生選二

壯歲初心與古期摧頽老態忽如斯讀騷痛飲豈名士
送鬼燒車亦大癡未必文章肩子厚且謀杞菊擬天隨
卻慙幕府棲遲在輸與松江理釣絲汪饒翁手札謄稱
于文章似柳子厚
人似陸魯望近陳椒峰為于
作傳亦用其語故聊及之

草堂地僻近湖干南北坳連夕照寒落木青開峰面出
樵蘆白放水痕寬賣書船到添新帙問字人來整舊冠
如此敝廬歸亦得殘年真合伴漁竿